

Chuailo

Forthnightly Newsletter



Vol. No. X Issue No. 1

KOLKATA MIZO STUDENTS

2nd June, 2013 (Sunday)

ADMISSION TITHAR TURTE TAN

Dt. 14/05/13 khan 2013-14 KMS Executive Committee chuan a vawikhat na'n Ballygunge Mizoram House-ah Meeting a nei a, kumin Fresher's Admission buaiputu tur atan college tin atangin heng mite hi ruat an ni.

St.Xaviers:

Lahlupuii - 8420521726
Lalmuanawma - 8697097169
K. Vanlalruati - 8257039018

Scottish Church College:

Benjamin Lalenkawla-
9051345569
Thanpuii - 8420682458

Shri Shikshayatan college

Venus- 9163846551

Presidency College:

Siam Siami- 9748112352

Asutosh college:

Abednego - 9163292731
Thomas- 8017746441

J.C.C.:

Lalremruata—7890060478
zualtea— 8420928219

South city college:

Gerald LaLhriatpuaia -
9831726237

Loretto college:

Lalresiami - 7278727713
Lalbiakzuali Kawlni Tetei -
9831433269

Bhawanipur college:

Vanlalpeki Ralte Temami-
9862540494

Ace Business Academy:

Lalmalsawma - 9007889346

Kan Zirlai puite lo tanpui hi KMS thil tum pakhat, kan Constitution ah pawh awm a ni a, Member te'n kan mawhphurhna a ni tih hria in thahnem ngai takin ilo buaipui theuh ang u.

CMCS THALAI

Fellowship programme
Hruaitu: Zuliassa Hlychho
Tantu: Lalmuanawma
Bible chang sawi rual: Kenety Laldinpuii
Programme:
Zaiho



DAMLO

CMWA leh CMCS secretary ni mek Pu Lala Songate chu taksa lam bawrhawmnain a tlakbuak mek a, hemi avang hian Fortis Hospital-ah zai niin, a lo thatchhuah leh thuai kan duhsak e.

SUMMER SPORT

Mizoram pawna Mizo awmte'n kumtin nipui chawlh laia kan neih thin 'Summer Sport' chu June 12-14 inkar khian neih leh tura ruahman a ni. He Summer Sport a KMS incharge turte chu Vanlalpeki Ralte (Treasurer), Lalduhawma Chhangte (Ex President) leh Samuel Lalrinzuala Sailo (Ex-Games & Sports Secretary) te an ni ang. Kumin Summer Sport hi Bangalore lama Mizo zirlaite'n an host dawn a, infiamna chi 6 a awm dawn a ni.

Ruat thar

KMS Committee chuan Chuailo jt.editor. V.T.Lawmsanga chu Executive member atan a ruat thar.

Tualchhung...

Ruahtuiin min chiah deuh tluk tluk a, khawlum hrehawm lutuk hre loin hun engemawchen chu kan awm ta, a lawmawm hle. Mizoram lama awm laia 'khaw chhia' kan lo tih thin ngei kha 'malsawm ruah' a nihzia a takin ka hre thei bik hi lawm nachang hriat a va tha em.

Exam zo tawh, exam mek leh la exam leh zel turte kan inpawlh nuk a, thenkhat exam zoin Mizoram lamah chawlh hmangin an haw a, thenkhat exam turin an la inpuahchah mup mup baw a, exam leh tur zawng zawngte **Chuailo** chuan tha taka an tih theih na'n duhsakna kan hlan e.

Zirlai admission tithar turte hmel an rawn inlar tan nak nak a, a tam zawk erawhchu online hmang veka form te fillup a nih avangin an la rawn chhuk hlawm lo niin a lang. Admission tih tum mek leh College luhna tur zawngtute'n an duhna takah admission an tih theih ngeina turin duhsakna kan hlan e. KMS-in admission ti turte lo puibawm tura a ruatte mai bakah helaia awm remchang tupawh lo kal thar turte lo puih kawngah hian lo inhawng ila, kan theihna kawng zawng theuhah chuan midangte lo pui turin lo inkau lawk vek ila KMS leh Kolkata Mizo hmel leh hming a lo mawi leh zual ngei ang.

Lo kal thar tur zawng zawngte kan lo lawm lawk a che u.

**Thil tha nge i tih dawn
thil tha lo?**

CHUAILO

Estd. May, 2004

Editor : ahooma
 Joint Editors : VT.Lawmsanga
 : Lalruatkima
 : Vanlalpeki Ralte
 :
 Patron : Alex Rosangluaia



Enkawltu Kamliam

Thil tha ti rawh

Kum 2004 May thlaah khan kan hmaa mihuai kal hmasate'n Kolkata Mizo Students chanchinbu **Chuailo** hi an lo tichhuak tan a, vawiin ah chuan kum kua a lo tling ve reng tawh mai.

Kan hruaitu hmasate khan a buaithlakna te, a hautakna te leh a harsatna tamtak hre reng chung a hre lo derin he chanchinbu hi an lo siamchhuak a ni a, khatih lai khan bul lo tan ta lo se vawiinah hian students chanchinbu hi kan nei kher ang em?

Khatih hunlai kha chuan tunlai ang teh duak hian thil a la awlsam lo a, students awmna in apiangah computer hman mai tur a awm vek hek lo, internet leh facebook te phe chu a nazawng banphakah a la awm lo a, khati chung khan harsa tak leh buaina tamtak karah mahni hun, sum leh tha sengsoin bul min lo tansak a, vawiin hi kan lo thleng ta a ni.

Vawiina heti laia zir mek leh hruaitu ni mekte hian, "kan hunlaia kan tihchhuah, bul kan tan" tia sawi tur leh hnutchhiah tur hi kan nei dawn em. Nakina thangthar lo la awm leh zel turte'n, "heihi chumite hun lai, chumi kum atanga an lo tih tan chu a ni" tia chhuang taka an la rawn sawi tur hi kan hnutchhiah thei ang em?

Kolkata-a lehkha kan zir chung hi kan hriat loh lai leh kan inrin hman hmain a herliam dawn. He hmuna kan awm chung hian nakina la hriatreng tlak leh sawichhuah nuam kan la tih em em tur nge kan tih a, sawi nawn chakawm loh khawpa zahpuiawm leh chhuanawm loh?

Thenkhat hi chuan helaia hun kan hman lai chungchang hi nakinah an fate hnenah an la sawi ang a, an fate fuihna'nte an la hmang ang, thenkhat dang leh chuan Kolkata-a an awmlai hun hi theihngihl an duh ang a, an thil lo tih tawhte avangin inchninrin an kun leh thin ngei ang. Nang khawi zawk hi nge i nih dawn le? Hun tha i nei lai hian thil tha ti rawh.

Mizoram lam chanchin....

PhD HMU THAR

Lalchhandami Tochwawng d/o Lalthuama Chanmari chuan dt.29.05.13 khan Dept.of Pilosophy Yong Loo Lin School of Medicine, National University of Singapore atangin PhD a hmu thar. Athesis chu 'A novel pro-oxidant role of gelsolin in Cancer cell invasion' a ni.

KHAWVELA TLANGSANG BERAH MIZOPA

Manipur sorkar bultum, First North East India Mt. Everest Expedition Team chuan Mt Everest (khawvela tlangsang ber) an lawn chhuak ta. Heng zinga hian Mizo pahnih Pu Vanlalliana Maubawk leh Pu David Zohmangaiha Republic Veng te an tel. Pu David Zohmangaiha hian Mizote zinga Mt.Everest (8,848 m= 29,029 ft)lawn chhuak hmasa ber ni turin 18 May Inrinni zing dar 5:30 ah a lawn chhuak ta a ni. Pu Vanlalliana hi Team Leader niin, Base Camp-ah information pe chhuaktu leh lo dawngtu ah atang thung a ni.

ARMED FORCES AWARENESS CAMPAIGN

Dt.30.05.13 khan Mizoram Youth Commission (MYC) leh Department of Sainik Welfare & Settlement tangkawp chuan Vanapa Hall-ah zirlaite tan 'Armed Forces Awareness Campaign' an buatsaih. He hunah hian Home Minister Pu R.Lalzirliana chu Khuallian niin Parliamentary Secretary Col(Rtd).Z.S.Zuala chu Khual Zahawm a ni baw. He Armed Forces Awareness campaign-ah hian St.Paul's HSS, Govt. Mizo HSS, Govt. Republic HSS, Oikos HSS leh Govt.J.L. HSS zirlaite an kal thahnem hle a ni.

MZPLEH VAPHAI

Farkawn MZP Sub-Hqrs hawng a kal MZP President Pu James Thanghmingmawia leh MZP hruaitu thenkhat te haw lam chu Vaphai khaw mipuite'n dan an lo tum nia hriat a ni a, hemi chungchang ngaihtuah hian dt.31.05.13 khan MZP chuan meeting neiin press release an siam nghal.

Meeting chuan Vaphai khaw mipuite'n pawisawi lo leh pawl thil pawimawh avanga zin MZP hruaitute haw lam lo dan an tum ringawt mai chu thalo a tiin pawia ti tak zet a. Meeting chuan Vaphai khua in Saikhumphai baw an hal avanga hun rei tak chung hawn theih loh a awm tawh Farkawn MZP Sub-Hqrs hawngna hun hmanpui a Farkawn khua a cham mek MZP hruaitute him taka an lo haw theih na'na theihtawp a hma la turin sorkar thuneitute chu a ngen a ni.


article

DUMDUMTEA PUAL

-ahooma

Dt.11-01-13: Dumdumte, heihi i tan ka'n ziak ang e. I muhil ka tiharh ang che tih ka hlau sia, hla pawh ka ngaithla ngam lo, tunah pawh hian zawite te in ka type a nih hi. I muhil hmel hi a hmuhnawm ka ti, nui deuh sang ang hian i lang thin a, i duhawmzia hi nangmah paw'n i hre lo hial zawk ang.

Kan laktirh che khan gram 700 vel lek i nia, ina kan hawn che pawh khan kan pawm reng che a nih kha. Vawikhat chhuatah kan dah che a, i kal terh terh a, 'ai a kal thei mawle' tia mak kan tih em em lai te kha a la rei loh tehreng nen, tunah chuan thla thum i lo tling ve tep tawh a, kg 2 leh a chanve lai i lo ni ve ta bawk, harh lah i harh narawh e. I harh viau chang hian kan hau thin che a, mahse i han harh loh deuh hi chuan ngaih a tha lo a, i harh lai hi a ngaihawm leh thuai thin.



I thian tur leh i kawmhlum tur ui dang lak te rilruah a awm deuh thin nain nangma chanvo an laksak then ang che tih a hlauhawm, nangmah chauh hi ka naute ni reng rih mai rawh. Infiam laklawh laiin toilet lam panin i'n tlan thut a, i va zung ter ter thin te hi a hmuhnawm a sin.

Tlai banah phur em emin min lo hmuak a, min

A tir khan ka hruai ziah che a, mahse tunah chuan i lo lian ve deuh tawh bawk a, inah nangmahin kan kalsan thin che a, i lo khawhar viau thin ang tih ka hria a, keipawhin ka rawn ngaituah reng zel che, mahse tihngaihna tak a awm si lo a, min hrethiam a ni ang chu, infiamna hun dang kan ngah tho a lawm, tiraw. Hei vawiin chu vaccine lakni a lo nih leh tawh avangin ka hruai che a, nuam i tih ka ring, kei tak hian nuam ka ti. Nichina kawta lo thu thup hoin an lo koh vak vak lai che a, min lo pan daihte khan min ngaihpawimawh avangin nuam ka lo ti ve em em a, nangpawh hi ka ngaihpawimawh che a sin. I tet lai kha chuan ka koh vak vak lai che khan midang i pan daih zel a, ka lungawi lo thei rapz mawle, hehe.

Chaw te hi thla hmasa lawka i ei let kha i ei tawh a, a chang chuan i ei over mah mah dawn a ka hriat vangin ka'n hrek deuh dawn thin che a, pek loh theih loh hian min melh leh ngawih ngawih thin sia, ka pe leh nge nge zel che, eng em kan tih phah lo ang chu maw.

A tir khan khuma lawn kan phal lo kha a nia, khua a lo vawt bawk nen chhuat atanga min rawn melh ker hian i mitmeng hi tuar a har thei em mai a, ka mutpui leh nge nge thin che, paw lo e, a lum nuam a lawm tiraw..

Zinga min rawn liak hlep hlep thin hi ka ning deuh thin a, mahse hmanni zingah khan thawh i hai ve deuh nge ka harh khan min rawn liak miah si lo a, ka ngaih a tha lo hman tep zawk mawle. Zanriah ei khamah i'n mu hmak a, chutah mut duh ve hunah i rawn harh a, thapui chhuah a i'n lim kual vel thinte hian nun a va tihlim lawi si em. Hlimna leh lawmna tamtak min thlen tawh a, min thlen belh zel rawh aw, keipaw'n i hlimna tur hi ka ngaihtuah thin.

lo zuanin min lo nul thuak thuak a, a va hlu em; hah i tidam sawng sawng thin a sin. Chutah, room hnawk nuaiha i lo sawisak pawh kan melh ve hmam i biscuit bawm i'n lo melh daih a, i phakar thei vel e mai.

Hmanah khan chaw ka pek dawn che khan i chaw ngen hi i lo bauh leuh leuh thin a, mahse ka khap hnu che khan i bauh leh ngai ta reng reng lo a, i bauh lo hlen dawn nge mawni, misual bauh nachangte hi i hre lo vel mai ang a(h) hehe.

Enteh Bawih, hmanna doctor kan rawn tuma nangmah ang chi naute pakhat an rawn hruai kha i hria em? An chiu lai khan a tap nasa tiraw, ek te a cheh vel mawle. Nang kha chu an chiu hmasak ber che pawh khan i khuh kherh kherh ringawt a nia, i huai eee. Doctor pain a chiu dawn chea i lo ngur chher chher khan a hlau lutuk a, 'bawihte, bawihte' ka tih ang khan Mizotawng pai deuhin a ti ve ringawt a, kan inmelh a, kan nuihsawh vel kha ila hria em? Kan tawng a hrethiam ve der si lo a tiraw...

Khua a lum tak viau hnu khan i hmul kan metkawlh a, i inhmech vak lo, mi pheichuan 'stray dog a ang' te an ti vel che; Mahse ka hmangaih reng tho che a nia aw. Keini putu hi chuan inzuah buk hi kan inhmech ber a nih hi tiraw :)

Bawihte, kan inhrawn hnu reilo te ah pawh hian sawi tur a va tam hman em, hmanna inchung zawla kan walk laia choak hoin an lo hual khup khup che kha i hria em, an hlau lo ve khawp mai che, i puitlin hunah i umdarh vek dawn nia. I chanchin hi heti hian ziahzawm zel ila a tha ang, chanchin ngaihawm deuh deuh nei turin khawsa chho rawh. Mahse engemawni i in apianga i hahchhiau vak vak thin thu hi chu ziak lang miah lo ang aw :)

Sports.....

MIZO RITCHAWI CHAK

TBC.Lalchhanhima, Ruantlang khua chuan Youth Asian Championship(Weight Lifting), Doha Qatar a neih ah India ram tan Bronze medal a dawng. Lalchhanhima hi Mizo zinga International Level Weight Lifting-a medal dawng hmasa ber nia hriat a ni.

FOOTBALL TRANSFER TITI

Neymar chu Santos atangin FC Barcelona lamah kum 5 chung cham turin a pem ta. **Christian Eriksen** chuan £10m in Borussia Dortmund a zawm dawn niin a lang. Arsenal chuan £12 million in Liverpool defender **Skrstel** lak luh an tum dawn. Real Madrid chuan **Cristiano Ronaldo** chelh na'n khawvel a player hlawhtam ber nih tir an tum thu an sawi; Hetih lai hian Ronaldo hi Man Utd lama kir leh tur ang a sawi a ni mek bawk. Tottenham chuan Barcelona striker **David Villa** chu £10m a lei an tum dawn. Real Madrid chuan June ni 15 a ralhma ngeiin **Gareth Bale** chu an lak luh theih ngei an inring hle. **Arshavin** pawh Zenit lamah a kir leh rin a ni. Man City chuan an striker **Dzeko** chu **Cavani**-a man ah pek tel an inhuam thu an sawi a, Real Madrid pawh in Cavani hi lakluh a duh. Real Madrid in £40m a **Suarez**-a lei an tum na chu Liverpool in theitawp chhuah a lo dan an tum dawn ni a sawi a ni

EPL 2012-2013 SEASON RECORD THENKHAT

Champion Team – Manchester United
 Top Scorer – Robin Van Persie (26 Goals)
 Manger of the season – Sir Alex Ferguson
 Player of the season – Gareth Bale
 Barclay Golden Glove – Joe Hart
 Goal thun hmasa ber – Michu (Swansea), 18. August 2012
 Goal thun rang ber – Theo Walcott (Arsenal), 20 seconds v/s QPR
 Matches Played – 380
 Goals Scores – 1062 (2.79)
 Home Ground a hnehna Goal thun hmem ber – Chelsea 8-0 Aston Villa
 Away a Chakna Goal thun hmem ber – Newcastle 0-6 Liverpool
 Goal Luh tamber tum – Arsenal 7-3 Newcastle United,
 Manchester United 5-5 West Brom
 Chak zawn rei ber – Manchester United (7 Games)
 Hneh loh nei lo rei ber – Manchester United (18 Games)
 Hnehna chang zo lo rei ber – QPR (16 Games)
 Chak lo rei ber – Reading (7 Games)
 Inkhel entu tamber tum – 75,605 (Man. United v/s Reading @ 16 March 2013)
 Inkhel entu tlem ber – 15436 (Wigan v/s Reading , 24 November 2012)
 Goal chhuah lo rei ber – Manchester City (18 Games)
 Yellow Card hmu hmem ber (Club) – Stoke City (76)
 Red Carh hmu hmem ber (CLUB) – Arsenal (5)
 Champions' League Group Stage khel tur – Manchester United, Manchester City, Chelsea
 Champions League Playoff khel tur – Arsenal
 EUROPALEAGUE – Tottenham (Playoff Round), Swansea (Third Qualifying), Wigan (Group Stage)
 Arsenal-in an home Emirates Stadium-ah goal 47 thun in mahni home a goal khung hmem ber team an ni.

Ulbun



Ehhhh.....<3

Kan inchei nalh ve tehreng nen kan film chanah rin aiin kan lang tlem.

-President & V.president

Admin-te'n tul an tih loh chuan remove mai se...

-C.Muana bawk.

Min lo rim ve thin ula, eh hh :P

-Pi Pi-i

'Lo phone tawh lo mai rawh se aw..' tih kha Lalpaa Boitlung aw a nih duh hmel **- Pu Bena :)**



Chapchar Kut kan hman tuma hmanlai incheia inchei thlak thenkhat.--

